

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINSKI ŠTAB
CIVILNE ZAŠTITE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MUNICIPAL CIVIL
PROTECTION HEADQUARTER

Broj: 07-40-1-943/20
Datum: 30.06.2020.godine

IZVJEŠTAJ O RADU
OPĆINSKOG ŠTABA CIVILNE ZAŠTITE
MAGLAJ ZA VRIJEME STANJA NESREĆE
IZAZVANE POJAVOM COVID-19
16.03.2020. – 31.05.2020.

UVOD

Shodno Zaključku Općinskog vijeća Maglaj broj: 02-04-1-116-1/20 koji se odnosi na dostavu *Izveštaja o radu Općinskog štaba civilne zaštite općine Maglaj za vrijeme stanja nesreće izazvano pojavom COVID-19 16.03.2020. – 31.05.2020.*, Općinski štab civilne zaštite Maglaj (u daljem tekstu OŠCZ) dostavlja traženi Izveštaj.

Uzimajući u obzir da sama forma Izveštaja o radu, pa samim tim i Izveštaja OŠCZ treba da sadrži određene pokazatelje odnosno ima svoju metodologiju koja obuhvata prije svega, zadatke koji su stavljeni u obavezu za realizaciju, potom konrektizaciju tih zadataka i analizu realizovanih zadataka, uz elemente planova za dalje aktivnosti, te prijedloga u cilju poboljšanja realizovanih aktivnosti i samih rezultata, sa Izveštajem koji je dostavljen nastojala se pratiti ta dinamika.

Od samog početka pojave COVID-19 u svijetu, OŠCZ redovno je pratio informacije o širenju i suzbijanju COVID-19 u zemljama u kojim su registrovani zaraženi.

Sa prvim naredbama u kojima su naložene određene aktivnosti, u cilju primjene i poštivanja propisanih mjera zaštite, a posebno od momenta proglašenja stanja nesreće na teritoriji BiH, naredbe nadležnih štabova civilne zaštite su izdavane u setovima u kojima je jako teško bilo prije svega, pratiti sve izdate naredbe, a potom i precizirati postavljene zadatke u nadležnostima OŠCZ. Samim tim, Izveštaj je sačinjen u vidu hronoloških događanja shodno izdatim naredbama i predloženim mjerama zaštite uz aktivnosti koje je OŠCZ proveo u cilju sprečavanja pojave i širenja COVID-19.

I- Aktivnosti prije proglašenja stanja nesreće

Obzirom da je Vlada Federacije BiH dana 31.01.2020. godine svojim Zaključkom, novi virus pod nazivom COVID-19, koji se pojavio prvo u Kini, potom i u Evropi, proširujući se u ostale zemlje svijeta, proglasila „zaraznom bolešću“ i nakon što je Svjetska zdravstvena organizacija dana 28.02.2020.godine u svojim izvještajima rizik od širenja novog virusa COVID-19 u svijetu, na globalnoj razini ocijenila kao „vrlo visokim“, a shodno naredbama Kriznog štaba Ministarstva zdravstva Federacije BiH (u daljem tekstu KŠMZFBiH) od 02.02.2020., 03.02.2020., 05.02.2020., 24.02.2020.godine i 06.03.2020.godine koje su se uglavnom odnosile na obaveze kantonalnih štabova najvećim dijelom na Krizni štab Ministarstva zdravstva kantona, Općinski štab civilne zaštite općine Maglaj osjetio je potrebu i obavezu djelovanja na praćenje pojave novog virusa COVID-19. Dana 06.03.2020. godine održao je svoju redovnu sjednicu na kojoj je između ostalog prisutne članove Štaba upoznao sa izdatim naredbama KŠMZ FBiH, razmatrao stanje o pojavi COVID-19 na prostorima BiH, pa samim tim i na teritoriji općine Maglaj. Tom prilikom OŠCZ općine Maglaj konstatovao je da na području općine Maglaj nema evidentiranih zaraženih lica, te putem sredstava informisanja je dato obavještenje građanima u kome se sugeriše da prate upute i obavijesti putem medija, a posebno da prate upute o higijensko-epidemiološkim mjerama koje je neophodno poduzeti za sprečavanje pojave i širenja novog virusa.

Na sjednici OŠCZ, članovi Štaba upoznati su sa naredbom KŠMZFBiH od 03.02.2020.godine, gdje je tačkom 3. naloženo KŠMZZDK, između ostalog, da hitno aktiviraju Krizni plan pripravnosti za postupanje nadležnih institucija kantona u cilju preduzimanja mjera zaštite stanovništva od zaraznih bolesti, a radi sprečavanja i ranog otkrivanja eventualnog slučaja bolesti izazvane novim virusom. Članovi su upoznati sa Kriznim planom pripravnosti FMZ BiH, te na osnovu istog je pokrenuta aktivnost na procjeni o raspoloživih sredstava i opreme koja je neophodna za suzbijanje pojave i širenja COVID-19. Na osnovu te procjene pristupilo se poduzimanju potrebnih mjera i radnji propisanih od strane nadležnih institucija, kao i aktivnosti na obezbjeđenju potrebnih sredstava i opreme, a u daljem dijelu Izveštaja se može vidjeti koje su aktivnosti provedene).

Nakon što je KŠ MZFBiH naredbama izdatih 10.03.2020., 11.03.2020. i 12.03.2020. godine u kojima su se naložile određene mjere koje su potvrđene i Naredbom KŠ MZZDK od 13.03.2020.godine, uzimajući u obzir da je Svjetska zdravstvena organizacija 11.03.2020.godine

proglasila „*Pandemiju*“, preporuka Međunarodne zdravstvene regulative – IHR i preporuka Svjetske zdravstvene organizacije, Načelnik općine je 12.03.2020. godine održao sastanak sa direktorima javnih ustanova i preduzeća gdje su razgovarali o trenutnoj epidemiološkoj situaciji i aktivnostima koje je neophodno preduzeti s ciljem prevencije i sprečavanja širenja COVID-19 na općini Maglaj. Na sastanku su donesene preporuke da se :

- Higijensko-epidemiološke mjere propisane od Svjetske zdravstvene organizacije poštuju i održavaju na maksimalnom nivou.

Da bi se ispoštovale osnovne mjere svim javnim ustanovama i preduzećima je data obaveza da se na samom ulazu u zgradu postave prostirke natopljene dezinfekcionim sredstvom, postave sredstva za dezinfekciju ruku i na vidnim mjestima istaknu upozorenja o obaveznoj dezinfekciji ruku, kao i nošenja zaštitne maske i poštivanje socijalne distance. Također je dato u obavezu da se unutar objekata na vratima prostorija koje koriste više lica tokom radnog vremena (kuhinje, toaleti i sl.) postave upozorenja o poštivanju lične higijene prilikom korištenja istih. U svim prostorijama gdje je boravilo više lica obavezno je bilo poslije korištenja izvršiti dezinfekciju sa trenutno raspoloživim sredstvima i istu provjetriti. O načinu održavanja prostorija unutar zgrade neophodno je bilo voditi evidenciju kako bi se znalo kako i na koji način se vrši primjena jedne od mjera propisane od strane Svjetske zdravstvene organizacije, a putem svjetskih i državnih medija prezentovano javnosti.

- Pozvani su svi građani koji imaju ili su imali kontakt sa osobama koje su boravile u inostranstvu da se jave u Higijensko-epidemiološku službu Doma zdravlja Maglaj gdje će dobiti potrebna uputstva o daljem postupanju. Putem sredstava informisanja i zvanične web i fb stranice Općine Maglaj brojevi telefona su postavljani na istaknuta mjesta kako bi bili u svakom trenutku vidljivi za moguću upotrebu;
- Pozvani su svi građani da ukoliko je moguće svoje poslove u Općini, javnim ustanovama i preduzećima, kao i drugim ustanovama rješavaju putem telefona ili interneta, kako bi se smanjio broj međusobnih kontakata. Također svi brojevi i e-mail adrese objavljene putem informisanja i zvanične web i fb stranice Općine Maglaj postavljani su na istaknuta mjesta kako bi bili u svakom trenutku vidljivi za moguću upotrebu;
- Sve javne ustanove i preduzeća su pozvana da uvedu posebno radno vrijeme sa strankama i da obezbjede primjenu higijenskih mjera.

Ovdje je data obaveza da se sagledaju mogućnosti skraćenog radnog vremena sa strankama odnosno mogućnosti rada javnih ustanova i institucija na način da se pokuša uskladiti rad sa javnim ustanovama i institucijama sa kojima koordiniraju u obavljanju svojih aktivnosti, te u narednom periodu, ukoliko nivo mjera bude podignut na veću razinu, planirane aktivnosti u radu sa strankama na vrijeme obavijestiti putem javnosti odnosno na vrijeme biti spremni za primjenu tih mjera.

- S obzirom da je obustavljena nastava, preporučeno je roditeljima da u skladu sa mogućnostima, djeca što manje vremena provode u grupama (naročito u zatvorenim prostorima);
- Sportskim klubovima je data obaveza da poštuju preporuke nadležnih sportskih saveza obzirom da su već donesene mjere u vidu smanjenja trenažnih procesa, kao i organizovanje sportskih aktivnosti bez prisustva publike;
- Data je preporuka građanima da slušaju samo preporuke i informacije zvaničnih institucija kako bi se izbjeglo širenje panike zbog netačnih informacija kojih je u tom vremenu bilo jako mnogo;

Uzimajući u obzir da je Svjetska zdravstvena organizacija proglasila pandemiju, te poštujući preporuke KŠ MZFBiH i KŠ MZZDK kojim se nalaže poduzimanje mjera u cilju ranog otkrivanja eventualnog slučaja bolesti izazvane koronavirusom, svim građanima na području općine Maglaj je odmah po obavljenom sastanku, putem sredstava javnog informisanja data Obavijest-Upozorenje da povećaju mjere opreza.

Shodno izdatim naredbama KŠ MZFBiH i KŠ MZZDK, OŠ CZ općine Maglaj izdao je Upozorenje gdje je posebna obaveza data svim objektima gdje se okuplja veći broj osoba da se maksimalno pojača svakodnevno provođenje osnovnih, higijensko – epidemioloških mjera i obezbjeđenje sanitarno – tehničkih uslova kao mjere zaštite stanovništva od zaraznih bolesti. Samim tim nakon izdate naredbe pored već primjenjenih mjera zaštite, Općina Maglaj je putem sredstava informisanja, zvanične web i fb stranice obavijestila građane o radnom vremenu sa strankama, a sve ostale javne ustanove i institucije su svoje poslodavce obavijestili o načinu njihovog poslovanja sa strankama odnosno uskladili su vrijeme rada sa strankama na način da ne dolazi do kršenja primjene mjera Svjetske zdravstvene organizacije.

Također je putem sredstava informisanja Upozorenje upućeno i svim građanima, javnim ustanovama i institucijama, kao i svim ostalim pravnim licima na području općine Maglaj uz napomenu da će Sanitarna inspekcija svakodnevno vršiti kontrolu provođenja mjera i prema svima koji se ne budu pridržavali i ne budu provodili propisane mjere protiv njih će biti poduzete zakonom predviđene mjere.

Sa novom Naredbom KŠ MZFBiH od 13.03.2020. godine, u kojem se između ostalog zabranjuje dalji rad dječijim vrtićima, osnovnim i srednjim školama, te zabrana održavanja kulturnih i sportskih manifestacija i svih oblika treninga, Načelnik općine je održao sastanak sa predstavnicima sportskih klubova koji egzistiraju na općini Maglaj kao i JU Dom kulture, gdje se pored informacija sa kojima su raspolagali sportski klubovi putem svojih saveza, razgovaralo i o mogućim posljedicama za sam sport na općini Maglaj i cijele Federacije BiH kao i samog poslovanja JU Doma kulture obzirom na naložene mjere iz naredbi.

Obzirom da na području općine Maglaj egzistira jedna JU “Dječiji vrtić” i dvije privatne predškolske ustanove, koje su izdatom Naredbom zatvorene za obavljanje svojih djelatnosti, u toj mjeri se pojavio dodatni problem poslodavcima, a najviše roditeljima koji su u većini slučajeva svoje poslove morali staviti pod rizik kako bi osigurali način brige o djeci koja su do tada boravila u jednom od vrtića.

O svim provedenim aktivnostima u vezi praćenja stanja i primjene mjera u cilju suzbijanja pojave i širenja COVID-19 svi građani na području općine Maglaj su redovno informisani putem sredstava javnog informisanja sa saopćenjima koje je Načelnik općine upućivao.

Uporedo sa provođenjem propisanih i dogovorenih aktivnosti redovno su se održavali kontakti sa svim javnim ustanovama i institucijama, kao i privrednim subjektima na općini Maglaj kako bi na vrijeme mogli poduzeti sve propisane mjere i sprovesti aktivnosti po naredbama KŠ MZFBiH i KŠ MZZDK koje su u vrijeme do proglašenja stanja nesreće bili ti koji su izdavali naredbe o primjeni mjera. U javnim ustanovama i institucijama organizovan je rad u dvije smjene, tako što su zaposlenici poslani na korištenje godišnjeg odmora zaostalog iz 2019. godine. a potom prvog dijela 2020. godine. Rad sa strankama je sveden na određeno vrijeme i svi poslovi su se nastojali što je moguće više obavljati putem telefona, maila, faxesa i sl. uz poštivanje osnovnih zakonskih propisa koji regulišu ovu oblast. Iste preduzete mjere u javnim ustanovama preporučene su u i svim pravnim licima koji djeluju na području općine Maglaj.

I prije nego je Vlada Federacije BiH proglasila stanje nesreće OŠCZ općine Maglaj je poduzeo i počeo sa sprovođenjem mjera zaštite kao i određenih aktivnosti koje su kasnije i naložene naredbama Federalnog štaba civilne zaštite (u daljem tekstu FŠCZ). Tako su sve javne ustanove već ranije bile upoznate sa osnovnim mjerama zaštite i aktivnostima koje je bilo neophodno provesti, što je u svakom slučaju doprinijelo efikasnijoj organizovanosti u sprovođenju aktivnosti u izdatim naredbama. Iz gore navedenog vidljivo je sa primljenim naredbama FŠCZ, sve javne ustanove i institucije, kao i privredni subjekti postavili su upozorenja na vidnim mjestima o obaveznom nošenju zaštitnih maski, održavanje propisanog odstojanja, načinu postupanja pri ulazu i izlazu iz objekata, organizovale su rad u dvije smjene, te izradile plan primjene mjera

propisanih od strane Svjetske zdravstvene organizacije i mjera datih u spomenutim naredbama KŠMZFBiH.

Tako je i u samoj zgradi Općine Maglaj rad sa strankama bio organizovan u periodu od 11-13 sati, a svi poslovi koliko je to zakonom bilo dozvoljeno, obavljali su se telefonski i putem mailova, a sve javne ustanove i institucije svoj rad su uskladili prema već pripremljenom planu.

U momentima kada se pojavio veliki priliv stranaka, obzirom na javne pozive demobilisanim borcima do 57 godina života za ostvarivanje prava na novčanu egzistencijalnu naknadu, te pozivi poljoprivrednicima za prijavu proljetne sjetve, a kasnije i prijave na subvencije za one privredne subjekte kojima je naredbama bio zabranjen rad, rad sa strankama smo organizovali tokom cijelog radnog vremena uz kontrolu mjera iz izdatih naredbi.

Napominjemo da se tokom trajanja stanja nesreće pored svih mjera i naredbi donesenih od strane nadležnih kriznih štabova, uzimajući u obzir da se radilo sa smanjenim kapacitetima i otežanim uslovima zbog poštivanja propisanih mjera, sve javne ustanove i institucije, kao i privredni subjekti kojima je bio dozvoljen rad su svoje aktivnosti obavljali u potpunosti profesionalno i nijednog trenutka realizacija bilo koje aktivnosti nije dolazila u pitanje, što će se i pokazati tokom razmatranja njihovog Izvještaja o radu za 2020. godinu.

II - RAD OŠCZ MAGLAJ I INSTITUCIJA KOJE SU PROVODILE NAREDBE, PREPORUKE I MJERE ZAŠTITE u vrijeme trajanja stanja nesreće

II-a Aktivnosti u provedbi naredbi i drugih akata nadležnih štabova civilne zaštite

Nakon što je 16.03.2020. godine Vlada Federacije BiH donijela Odluku o proglašenju stanja nesreće uzrokovano pojavom COVID-19 na području Federacije BiH (V.broj: 408/2020, Odluka je u Prilogu) a u skladu sa odredbom člana 134. stav 2. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH, br. 39/03, 22/06 i 43/10), OŠ CZ Maglaj 17.03.2020.godine, održao je svoju prvu vanrednu sjednicu gdje je konstatovano da je OŠCZ Maglaj na svojoj redovnoj sjednici od 06.03.2020.godine, shodno svojoj nadležnosti, naložio i primjenio skoro sve mjere i aktivnosti koje su naložene tačkom 2. Odluke o proglašenju stanja nesreće.

Shodno članu 43. , Zakona o zaštiti i spašavanju ljudi i materijalnih dobara od prirodnih i drugih nesreća FBiH, realizovane su mjere i postupci zaštite i spašavanja u slučaju postojanja neposredne opasnosti od nastanka prirodne i druge nesreće, i to:

- aktiviran je OŠCZ Maglaj,
- angažovana su Vijeća MZ-a u sprovođenju određenih aktivnosti,
- angažovana i druga tijela nadležna za upravljanje zaštitom i spašavanjem;
- sačinjena je procjena sa pokazateljima moguće pojave i linije širenja nesreće gdje su odmah akcenti stavljeni na firme sa najvećim brojem uposlenih, HM, Bontex, Exel Assemblies, Natron-Hayat i sl.;
- praćeno je stanje povratka sugrađana iz zemalja zahvaćenih virusom;
- shodno nadležnostima OŠCZ Maglaj, koordiniralo se i aktivirali su se JU Dom zdravlja, Higijensko-epidemiološka Služba, Općinski sanitarni inspektor, Policijska stanica Maglaj, Crveni križ Maglaj i dr. pravna lica prema njihovoj djelatnosti u odnosu na vrste opasnosti;
- sva raspoloživa sredstva i oprema je mobilisana i aktivirana u svrhu zaštite i spašavanja i sredstava za zaštitu i spašavanje;
- provedene su i druge aktivnosti i mjere značajne za sprečavanje nastanka i širenja opasnosti, te zaštitu od COVID-19.

Obzirom da su planovi zaštite u cilju sprečavanja pojave i širenja COVID-19 trebali biti međusobno usklađeni, možemo reći da je Plan zaštite OŠCZ Maglaj bio usklađen sa aktivnostima i planovima rada pravnih subjekata na općini Maglaj. Kako Plan zaštite ZDK nismo dobili od KŠCZ, tako Plan Općine nismo mogli uskladiti sa istim. To navodimo iz činjenice da se članom 46. navedenog Zakona o spašavanju, planovi se usklađuju samo u pitanjima u kojima se određuju zadaci za određene nosioce civilne zaštite, a pošto je glavni nosilac aktivnosti u izdavanju naredbi

za provođenje mjera zaštite bio prvobitno KŠMZFBiH, a potom FŠCZ, očekivati je bilo da od strane KŠCZ, OŠCZ bude upoznat sa istim kako bi uskladili svoje planove sa planovima štabova na višem nivou.

OŠCZ nije bio upoznat sa Planom zaštite i spašavanja ljudi i materijalnih dobara od prirodnih i drugih nesreća FŠCZ, bio je samo upoznat sa mjerama i preporukama Svjetske zdravstvene organizacije, te sa naredbama i preporukama KŠ MZFBiH i KŠMZZDK. Na sjednici OŠCZ donesen je okvirni Plan i program mjera općine Maglaj u cilju suzbijanja pojave i širenja COVID-19 prema uputama Zavoda za javno zdravstvo FBiH i SZO, naredbi donesenih od strane kriznih štabova Federacije, ZDK i općine Maglaj, uz preporuku da se redovnom koordinacijom sa javnim ustanovama i institucijama, kao i privrednim subjektima zajednički realizuju aktivnosti na provedbi mjera zaštite i svaka u svom domenu i nadležnosti organizuje i planira zaštitu od COVID-19.

Obzirom da je stanje nesreće bilo proglašeno na nivou Federacije BiH, odnosno vanredno stanje na teritoriji RS-a, zatim proglašeno vanredno stanje u susjednim zemljama i zemljama regiona, te kako je FŠCZ imao osnovnu nadležnost za izdavanje naredbi koje su se odnosile na teritoriju Federacije, a niže institucije u ovom slučaju KŠCZZDK i OŠCZ su morali postupati po izdatim naredbama, bilo je za očekivati da će shodno članu 2. Odluke o proglašenju stanja nesreće, FŠCZ sa svojim Planom zaštite od COVID-19 upoznati i niže institucije na osnovu kojih će iste moći izraditi svoje Planove i uskladiti ih sa nadležnim FŠCZ.

Uzimajući u obzir da je FŠCZ od momenta proglašenja stanja pa sve do ukidanja stanja nesreće donio 215 akata od kojih se najveći broj njih 198 odnosio na naredbe, a preostali dio na zaključke, preporuke ili preglede određene podjele sredstava, direktno su obavezivale OŠCZ općina pa tako i općine Maglaj 82 naredbe (ovdje ulaze i naredbe koje su prvobitno izdate, a kasnije produživane po nekoliko puta). U većini tih naredbi naložene su aktivnosti koje su OŠCZ općina morali sprovesti, a da prije toga nisu analizirali stvarno stanje raspoloživosti kapaciteta OŠCZ, pa samim tim i OŠCZ općine Maglaj.

Neophodno je napomenuti, da su sve naredbe donešene od strane OŠCZ općine Maglaj morale biti u skladu sa naredbama FŠCZ, KŠCZ ZDK i KŠ MZFBiH i KŠ MZZDK. Općinski štabovi CZ nisu imali mogućnost širine djelovanja u cilju ublažavanja stanja prouzrokovano pojavom COVID-19 na što smo svi kao OŠCZ bili upozoreni. Obzirom da su neke općine i kantoni, samoinicijativno donosili naredbe za sprovođenje određenih aktivnosti, a koje nisu bile u skladu sa izdatim naredbama FŠ CZ ili nisu bile odobrene od strane nadležnih, iste su se naredbama FŠCZ morale staviti van snage odnosno sve naredbe koje nisu bile u skladu sa naredbama FŠCZ su se morale uskladiti.

Od momenta proglašenja do momenta prestanka stanja nesreće na teritoriji Federacije BiH prouzrokovano pojavom COVID-19, OŠCZ općine Maglaj ukupno je održao 17 vanrednih sjednica od kojih su 4 bile održane telefonskim putem na kojima su donesene naredbe u skladu sa naredbama nadležnih štabova, kao i ostale akte i informacije za građane. Sve one su objavljene na zvaničnoj web stranici Općine Maglaj i putem RTV Maglaj u cilju informisanja građana općine Maglaj. Obzirom da su naredbe nadležnih štabova generalno obuhvatale aktivnosti koje je neophodno provoditi na teritoriji Federacije, kantona pa i općina/gradova, kako bi građanima općine Maglaj izdate naredbe bile jasnije, OŠCZ je u svojim naredbama obrazložio aktivnosti i mjere koje su bile vezane za područje općine Maglaj u cilju bolje organizovanosti i zaštite stanovništva i materijalnih dobara, vodeći računa da iste budu usklađene sa naredbama nadležnih štabova, a ipak jasnije za njihovu primjenu. S tim u vezi, uz svaku izdatu naredbu OŠ CZ općine Maglaj je izdao i dodatne napomene, informacije, obavještenja ili upozorenje u kojima su se davale određene upute za primjenu i poštivanje izdatih naredbi.

Pored toga, OŠCZ Maglaj je svakodnevno kroz servisne informacije upoznao građane o stanju na općini Maglaj kada je u pitanju broj lica u samoizolaciji, karantenu, testiranih, pa i lica koja su kršila samoizolaciju. Takođe je izdavao i upozorenja o aktivnostima koje je neophodno realizovati u cilju sprečavanja pojave i širenja COVID-19, kao i obavještenja o svim provedenim aktivnostima OŠCZ općine Maglaj proisteklih kako u izdatim naredbama, tako i aktivnostima koje su bile neophodne u cilju ublažavanja novonastale situacije.

Kako su se izdavale naredbe nadležnog Federalnog štaba i kantonalnih štabova, OŠCZ Maglaj je pored svojih izdatih naredbi, informacija, upozorenja i obavještenja prema građanima, javnim ustanovama i institucijama i privrednim subjektima.

Uporedo je OŠCZ Maglaj nadležnim institucijama slao i inicijative i zahtjeve u cilju informisanosti o stanju na području općine Maglaj, kao i problematici sa kojom se susrećemo u primjeni mjera, pa i samom poštivanju izdatih naredbi.

Tako je prema FŠCZ i Vijeću Ministara BiH upućen Zahtjev za ulazak stranih eksperata u cilju funkcionisanja privrede, a odnosilo se na ulazak eksperata iz Republike Hrvatske kako bi završili započeti remont u firmi natron-Hayat.

Upućena je Inicijativa prema Vladi ZDK i Zahtjev prema Federalnom Ministarstvu zdravlja za izmjenu Odluke odnosno Rješenja o utvrđivanju objekata za karanten (Apartmani Sjaj).

FŠCZ upućena je Inicijativa da se donese izmjena Naredbe o zabrani kretanja osobama mlađim od 18 i starijim od 65 godina, omogućivši im kretanje pod uslovima poštivanja naredbi i preporuka koje su na snazi za ostala lica. Na sve naše upite, nažalost nismo dobili odgovor, a kamoli da smo kontaktirani ili da su se određene aktivnosti koordinirale sa OŠCZ Maglaj.

Napominjemo i to da je RTV Maglaj aktivno pratila rad OŠCZ Maglaj i općinske administracije, te redovno informisala građane o epidemiološkoj situaciji na području općine Maglaj.

Načelnik općine kao komandant OŠCZ Maglaj izvršio je obilazak većeg dijela privrednih subjekata na općini Maglaj, dok je sa svim ostalim bio u redovnom telefonskom kontaktu (Bingo, Konzum, HM-Promet, Bontex, Saraj- milk, Exel Assemblies, Budo Export, Natron-Hayat, Non Stop pekaru i dr. s ciljem saznanja poduzetih mjera i aktivnosti na sprečavanju pojave i širenja COVID-19 .

Obilazio je dežurne službe javnih ustanova i institucija, kao i RO MDD Merhamet i Crveni križ Maglaj sa ciljem upoznavanja o novonastaloj situaciji, problematici koja je aktuelna u vezi sa njihovim radom i svakako pružanje podrške da zajednički prevaziđemo nastalo stanje.

Obzirom da su određene kategorije stanovništva, a na osnovu izdatih naredbi OŠCZ, imale zabranu kretanja, objavljen je Javni poziv svim zainteresovanim licima starijim od 18, a mlađim od 65 godina, koja su spremna da volontiraju zajedno sa Općinskim štabom civilne zaštite i Crvenim križem Maglaj s ciljem formiranja volonterskih štabova po mjesnim zajednicama, a u službi pomoći sugrađanima na području tih mjesnih zajednica. Uporedo su pozvana sva zainteresovana lica starija od 18, a mlađa od 65 godina, koja žele da volontiraju u Profesionalnoj vatrogasnoj jedinici Maglaj, koji bi bili angažovani u slučaju da je došlo do zaraze među uposlenim u Profesionalnoj vatrogasnoj jedinici.

OŠCZ Maglaj je izdao i Naredbu Vijećima MZ-a općine Maglaj gdje su obavezni održavati stalne kontakte sa OŠCZ Maglaj u cilju sprovođenja OŠCZ općine Maglaj i FŠCZ. Rad Vijeća MZ-a se trebalo organizovati na način da u svakom momentu zadovoljava potrebe mjesnog stanovništva, pogotovo u dijelu koji se odnosi na prijem i prosljeđivanje informacija, naredbi i uputa nadležnih organa i institucija, ali da istovremeno zadovoljava uslove propisane odlukama i naredbama tih organa i institucija u pogledu okupljanja građana. Prioritetno je bilo pratiti pojave u vezi sa COVID-19 na području MZ-a u dijelu koji se odnosi na poštivanje izdatih mjera zabrane rada i okupljanja, kretanja osoba kojima je određena samoizolacija, izolacija ili karantin i djelovanja specijalizovanih službi i institucija, te će o tome izvijestiti OŠCZ Maglaj.

Sa izdatom Naredbom MZ-e su imale obavezu u što kraćem roku dostaviti spiskove najugroženijih mještana u MZ-a, koje su po saznanjima MZ-a u stanju socijalne potrebe, sa imenima i prezimenima lica uz obrazloženja o njihovom socijalnom stanju, a za građane starije od 65 godina, koji su sami i koji su u stanju potrebe, te bili su dužni organizovati pružanje pomoći u smislu odlaska u kupovinu, nabavku lijekova i osnovnih životnih namirnica i bilo koju vrstu pomoći.

II-b Aktivnosti sa javnim ustanovama i privrednim subjektima

Obzirom da su poštivanjem naredbi FŠCZ na općini Maglaj direktno pogođeno cca 200 privrednih subjekata koja su bila zatvorena odnosno imali zabranu rada, u cilju pružanja podrške, a potom i koliko je moguće da se zajednički pronađu rješenja za suzbijanje posljedica nastalih poštivanjem izdatih naredbi, 02.04.2020. godine održan je sastanak sa vlasnicima frizerskih salona; 07.04.2020. godine sa vlasnicima ugostiteljskih objekata; 09.04.2020. godine sa vlasnicima privatnih stomatoloških ordinacija. Također, 10.04.2020.godine održan je sastanak sa stručnom komisijom za ekonomski oporavak čiji je zadatak da se analizira trenutna situacija, da se vidi kako iz svega izaći bez velikih šteta, te šta po mišljenjima ljudi iz struke nas očekuje sa završetkom ove pandemije. Na pomenutom sastanku usaglašeno je da će općina Maglaj kroz pružanje redovnih usluga za privredne subjekte i druge mjere koje su u nadležnosti Općine, u kontinuitetu pratiti dešavanja i nakon prvog seta mjera, nastojati kreirati i druge mjere koje će olakšati rad i poslovanje privrednim subjektima na području općine Maglaj.

Načelnik općine je pripremio prijedlog Općinskom vijeću Prvi set mjera za pomoć privredi, a koji se odnosio na:

- Oslobođanje uplate komunalne takse na istaknutu firmu oslobađanje od najmanje jednog kvartala,
- Oslobođanje od plaćanja obaveze privrednim subjektima i fizičkim licima - vlasnicima poslovnih prostora koji se koriste ili iznajmljuju za obavljanje poslovnih djelatnosti čiji rad je naredbama privremeno zabranjen oslobađanje od najmanje jednog kvartala,
- Oslobođanje ugostiteljskih objekata u 100% iznosu naknade za korištenje javnih površina (zakupnine za ljetne bašte, tende) za 2020. godinu.

Produženje perioda za dalje oslobađanje je uslovljeno trajanjem pandemije koronavirusa, donesenih naredbi o zabrani rada, mjerama viših nivoa vlasti i punjenjem Budžeta.

Prvi set za pomoć privrednicima usvojen je na 38. sjednici Općinskog vijeća 21.05.2020.godine.

Nakon donošenja mjera podrške očuvanja radnih mjesta i ekonomije u cjelosti od strane federalnih i kantonalnih nivoa vlasti, u čijim nadležnostima je donošenje i provedba naplate Zakona o porezima i doprinosima radnika, Načelnik općine je Općinskom vijeću predložio Izmjene i dopune Budžeta/Proračuna Općine Maglaj za 2020.godinu, a sve sa ciljem podrške privrednim subjektima kojima je zabranjen rad i pomoći u poljoprivrednoj proizvodnji.

Rebalans Budžeta Općine Maglaj za 2020.godinu usvojen je na 38. sjednici Općinskog vijeća Maglaj 21.05.2020.godine.

Ovim je ispoštovan član 45. navedenog Zakona gdje se predlažu mjere i postupci za ublažavanje i otklanjanje posljedica nastalih od prirodne i druge nesreće.

Uporedo sa provedenim aktivnostima održani su i sastanci sa članovima Kolegija Općinskog vijeća na kojima su isti informisani sa trenutnom situacijom, mjerama koje su poduzimane od strane OŠCZ Maglaj, kao i aktivnostima koje prethode, a naložene su od strane nadležnih štabova.

Neophodno je napomenuti da su i privrednici općine Maglaj dali svoj doprinos u borbi protiv COVID-19. Shodno situaciji, firme tekstilne branše iz Maglaja započele su proizvodnju zaštitnih maski, tako je i tekstilna firma HM-Promet d.o.o. prvi set zaštitne opreme koju čine zaštitni

kombinezon, zaštitne maske i jednokratne navlake za cipele isporučila JU Dom zdravlja Maglaj, a kasnije joj se pridružila i firma „Bontex“. Pekara „Non-stop“ je prvobitno snizila cijene crnog hljeba, a potom dijelila i beplatan hljeb za lica starija od 65 godina.

Na inicijativu Načelnika općine u koordinaciji Općine Maglaj i „Magnet studija“ metodom 3D printa izrađeni su prvi viziri koji su poklonjeni JU Dom zdravlja Maglaj. Nastavljena je izrada zaštitnih vizira uz pomoć JU Gimnazija „Edhem Mulabdić“ koja je ustupila svoj 3D printer, uz pomoć prijatelja iz Tešnja koji su donirali jedan dio repromaterijala, te firme HM-Promet koja je donirala drugi dio repromaterijala. Također, na inicijativu Načelnika općine ispred JU Dom zdravlja Maglaj, postavljen je i tunel za dezinfekciju s ciljem sprečavanja širenja infekcije uzrokovane korona virusom, dok je projekat izrade i samo postavljenje bilo djelo našeg sugrađana. Dio materijala za ovaj projekat je obezbjedila Općina Maglaj, dok je preostali dio, pored izrade, bio poklon realizatora.

Kasnije donacijom naših sugrađana iz inostranstva u pogon je pušten i drugi dezinfekcioni tunel i dobijena je neophodna oprema za zaštitu i dezinfekciju, kao i beskontaktni toplomjeri.

Stanje nesreće nije zaobišlo ni poljoprivrednike, odnosno ni lica koja se samostalno bave poljoprivredom, te je time Općina Maglaj u cilju ublažavanja posljedica u dva navrata objavila Javni poziv za prijavu lica za proljetnu sjetvu kako bi se na vrijeme mogla obezbijediti sredstva za nabavku sjemenskog materijala.

Obzirom da se Ramazanski bajram obilježavao u vrijeme trajanja stanja nesreće, pa samim tim su na snazi važile i određene mjere, na inicijativu Medžlisa islamske zajednice Maglaj da se organizuje klanjanje bajram-namaza u određenim džamijama na području općine Maglaj uz poštivanje mjera zaštite, OŠCZ Maglaj dao je saglasnost za organizaciju klanjanja bajram-namaza u predviđenim džamijama uz maksimalno poštivanje mjera zaštite, a ukoliko vremenski uslovi ne budu dozvoljavali klanjanje ispred džamija, da se namaz klanja u prostoru Sportske dvorane. Shodno navedenom, u svim džamijama u kojima je planirano klanjanje bajram-namaza na općini Maglaj izvršena je dezinfekcija od strane Instituta za zdravlje i sigurnost hrane Zenica, a prostorije dvorane su dezinfikovane od strane JU Dom kulture “Edhem Mulabdić” Maglaj. Na samom ulazu u objekte planirane za obavljanje bajram-namaza, obezbjeđene su sve mjere zaštite od sredstava za dezinfekciju ruku, mjerenje temperature i obavezno nošenje zaštnih maski.

Komunalno javno društvo Maglaj je u koordinaciji sa Profesionalnom vatrogasnom jedinicom Maglaj u nekoliko navrata izvršilo dezinfekciju javnih površina gradskog dijela općine Maglaj, kao i centralnog dijela Novog Šehera. Profesionalna vatrogasna jedinica Maglaj je nakon obezbjeđenja potrebnih sredstava za dezinfekciju izvršila dezinfekciju prometnijih ulica u MZ-a, a pojedine MZ su samoorganizovano izvršile dezinfekciju svojih prometnih ulica prostorija, kao i objekata koje su često korištene od strane građana.

II – c Aktivnosti od pojave prvog slučaja pozitivnog na COVID-19

Sa pojavom prvog pozitivnog na test COVID-19, OŠCZ Maglaj je poduzeo sve mjere kako bi se spriječilo dalje širenje virusa na općini Maglaj. Sa prvom informacijom da se u firmi “HM-Promet” nalaze lica koja su testirana kao pozitivni, olakšavajuća okolnost je bila činjenica da su uposlenici već bili na godišnjem odmoru. Nakon što smo od epidemiologa zatražili mišljenje uz bojaznost pojave većeg broja pozitivno testiranih, upoznati smo da nema potrebe za stvaranjem dodatne panike i da u ovakvim slučajevima postoje zakonom propisane mjere kojih se moramo pridržavati.

Kako je slijedom događaja bilo za očekivati proširenje broja pozitivnih na COVID-19, obzirom da su uposlenici “HM-Prometa” bili u kontaktima sa članovima porodice, pa i sa licima uposlenim u firmama “Bontex”, “Exel Assemblies” pa i “Natron Hayat” zatraženo je od epidemiologa dr. Alisa Kozice mišljenje u vezi daljih aktivnosti, pa i mogućnost da se firme u kojima se očekuje otkrivanje pozitivnih na COVID-19 privremeno zatvore, odnosno privremeno obustave sa radom.

Epidemiolog je ponovo napomenuo da nema osnova, ali ni zakonske mogućnosti izvršiti zatvaranje, odnosno privremeno obustavljanje rada u pomenutim firmama, obzirom da se na osnovu jednog ili dva pozitivna na COVID-19 ne mogu poduzeti takve mjere, a u slučaju da dođe do većeg broja oboljelih automatizmom će uposlenici biti stavljeni u karantenu ili izolaciju i samim tim firma će obustaviti dalji rad.

Svakako treba napomenuti da u vrijeme kada se na području općine Maglaj pojavio veći broj pozitivnih na test COVID-19 svoju podršku su pružili Ministarstvo zdravstva ZDK i načelnik Odjela za infektivne bolesti Kantonalne bolnice Zenica gdje su nakon svake posjete dali pozitivne ocjene i pohvale za rad JU Dom zdravlja Maglaj i OŠCZ Maglaj na ranom otkrivanju pojave koronavirusa i brzoj organizovanosti aktivnostima oko sprečavanja daljeg širenja virusa.

Također je i od strane dr. Alisa Kozice, epidemiologa zaduženog za Maglaj, data pozitivna ocjena kako za rad JU Dom zdravlja, tako i rad OŠCZ Maglaj i svakako građanima na poštivanju propisanih mjera zaštite i uputa od strane nadležnih institucija, uz napomenu da je Maglaj primjer kako treba pristupiti borbi u suzbijanju pojave i širenja COVID-19, te da će ostale općine slijediti primjer Maglaja u borbi protiv COVID-19. Kantonalni epidemiolog dr. Alis Kozica je prisustvovao jednom dijelu sjednica Općinskog štaba civilne zaštite, te dao veliki doprinos u sprečavanju širenja koronavirusa.

Bez obzira što je Maglaj određeno vrijeme bio prvi u Federaciji BiH sa brojem pozitivnih na COVID-19, i što je dolazilo do kršenja određenih naredbi i kažnjavanja od strane nadležnih institucija za nepoštivanje istih, možemo reći da su se građani naše općine u najvećoj mjeri pridržavali propisanih mjera i poštovali upute i obavještenja OŠCZ.

Obzirom na informacije iz susjednih općina pa i šire u vezi poštivanja mjera zaštite od COVID-19 možemo sa pravom reći da su građani općine Maglaj bili za primjer kako se poštuju propisane mjere i kako se zajedničkim snagama možemo boriti protiv nesreće koja se zadesila.

III – AKTIVNOSTI JAVNIH USTANOVA I INSTITUCIJA I SAMOSTALNIH ORGANA u toku trajanja stanja nesreće

S ciljem sprečavanja širenja koronavirusa odnosno njegovog ublažavanja na sprovođenju propisanih mjera, aktivnosti su vršili i Komunalno javno društvo d.o.o. Maglaj, Policijska stanica Maglaj, JU Dom zdravlja Maglaj, Profesionalna vatrogasna jedinica Maglaj, Institut za zdravlje i sigurnost hrane Zenica, kao i Oružane snage BiH sa jedinicama za atomsko-biološko-hemijsku odbranu (ABHO).

III-a Komunalno-sanitarno-vodoprivredni inspektor

U proteklom periodu trajanja pandemije, tj. periodu, trajanja stanja nesreće uzrokovane pojavom koronavirusa (COVID-19) proglašenom na području Federacije BiH, komunalno-sanitarno-vodoprivredni inspektor je postupao u skladu sa svojim nadležnostima, a po naredbama i preporukama donesenim od strane nadležnih organa, kako je dolje navedeno:

- U periodu od 13.03.-02.04.2020. godine od strane ovog organa izdato je 316 rješenja zabrane kretanja za osobe koje su u navedenom periodu doputovale u FBiH iz država zahvaćenih koronavirusom, a uz njih i za osobe sa kojima su ostvareni kontakti po dolasku, tj. prije prijave u HES službu Doma zdravlja, odnosno dobivanja rješenja.
- Treba napomenuti da nijedna osoba iz navedenog broja izdatih rješenja za period zabrane kretanja van adrese boravka, koji je trajao 14 dana, nije bila zaražena koronavirusom.
- Svih 316 izdatih rješenja po navedenom predmetu su zatvoreni službenim zabilješkama, tj. sačinjeno je 316 službenih zabilješki.
- Obzirom da je nakon gore navedenog perioda federalna inspekcija počela izdavati rješenja na graničnim prelazima u FBiH, ovaj organ nije izdavao rješenja po istoj stvari.

Svako postupanje u vezi sa koronavirusom obavljano je na osnovu naredbi i preporuka Federalnog štaba/stožera civilne zaštite, koje su objavljivane putem medija javnog informisanja, a istih su se dužni bili pridržavati kako pravna, tako i fizička lica.

- Kad su u pitanju pravna lica ista su bila dužna da provode mjere prevencije, kao i zaštite propisane od strane Federalnog štaba/stožera civilne zaštite, a u vezi koronavirusa.

U slučaju pandemije izazvane koronavirusom postupanje (poduzimanje mjera) ovog organa prema navedene dvije firme „Bontex“ d.o.o. i „HM-Promet“ d.o.o. Maglaj, također je urađeno po naredbama Federalnog štaba/stožera civilne zaštite, na način da je:

- Općinski sanitarni inspektor u skladu sa članom 57. i 58. Zakona o zaštiti stanovništva od zaraznih bolesti („Službene novine F BiH“, broj: 29/05), Odluke Vlade Federacije BiH V.broj 164/2020 od 31.01.2020. godine, a na osnovu dopisa broj: 01-555/20 od 20.04.2020.godine, u kojem je dostavljen spisak zaposlenih radnika u „HM-Promet“ d.o.o. Maglaj, a koji su bili u direktnom kontaktu sa osobama pozitivnim na COVID-19, u datom momentu, donosi 300 rješenja o zabrani kretanja van objekta – prostora boravka u trajanju od 14 dana, stupanjem na snagu navedene mjere, od 17.04.2020. godine.
- U navedenom periodu izolacije izvršenim testiranjem dokazano je za 11 radnika da su obolila/zaražena Sars-Cov-2 i isti su smješteni u izolatorij infektivnog odjela JU Kantonalne bolnice Zenica. Iz navedenog razloga 11 rješenja, tj. predmeta je zatvoreno zaključkom o obustavi postupka, a ostala rješenja, tj. predmeti su zatvoreni sa sačinjenih 289 službenih zabilješki.
- Na osnovu Dopisa broj: 01-582/20 od 25.04.2020. godine, potpisanog od strane nadležnog dr. spec. epidemiologa kao i direktora JU Dom zdravlja Maglaj, u kojem je dostavljen spisak zaposlenih radnika u „Bontex“ d.o.o. Maglaj, sanitarni inspektor donosi 155 rješenja sa zabranom kretanja van objekta – prostora boravka za sve zaposlene radnike, sa dostavljenog spiska, a koji su bili u direktnom kontaktu sa osobama pozitivnim na COVID-19 u datom momentu.
- U navedenom periodu izolacije izvršenim testiranjem dokazano je za 27 radnika da su obolila/zaražena Sars-Cov-2 i isti su smješteni u izolatorij infektivnog odjela JU Kantonalne bolnice Zenica. Iz navedenog razloga 27 rješenja, tj. predmeta je zatvoreno zaključkom o obustavi postupka, a ostala rješenja, tj. predmeti su zatvoreni sa sačinjenih 289 službenih zabilješki.

Osim naprijed navedenih poduzetih mjera, izdato je i 13 rješenja za osobe sa područja općine Maglaj u kojim se nalože zabrana kretanja van objekta – prostora boravka u trajanju od 14 dana, u različitim periodima, zavisno od datuma zaraze koronavirusom, među kojima je bilo 6 osoba koje nisu hospitalizovane, već su ostali u kućnoj izolaciji, pod stalnim nadzorom zdravstvenih radnika. Ovdje se radi o malodobnoj djeci, jednoj dementnoj osobi i jednoj osobi – majka sa dvoje malodobne djece sa kojima je već bila u kontaktu.

Ovaj organ je izdao i 16 rješenja za zdravstvene radnike, koji su bili u kontaktu sa osobama zaraženim koronavirusom, u kojima se zabranjuje kretanje van objekta – prostora boravka u trajanju od 14 dana, kao i članovima njihovih obitelji. Po isteku navedenih rješenja izdato je 10 zaključaka o obustavi postupka i 4 službene zabilješke.

Iz svega naprijed navedenog zaključno sa 22.06.2020. godine izdato je ukupno 800 rješenja, za pojedince, (a u navedenim rješenjima se nalaze i osobe iz kontakata), sa naloženom zabranom kretanja van objekta – prostora boravka u trajanju od 14 dana, svi predmeti su zatvoreni iz čega proističe da na području općine Maglaj trenutno nema zaraženih (registrovanih) od virusa COVID

– 19, osim jedne osobe koja se nalazi pod zdravstvenim nadzorom u JU Kantonalne bolnice Zenica, a po odluci nadležnog kantonalnog ministra zdravstva.

Na osnovu prispjelih službenih zabilješki od PS Maglaj o nepoštivanju mjera zabrane kretanja (izolacije), od strane pojedinih lica, a koje su naložene donesenim rješenjem ovog organa, izdato je 7 prekršajnih naloga.

Osim navedenog, a u cilju sprječavanja i suzbijanja širenja ove bolesti, poduzimane su i druge aktivnosti. Naložene su i kontrolisane pojedinačne i redovne dezinfekcije prostora i osoba u javnom životu, a na zahtjev Načelnika općine u periodu 24.03.-29.03.2020. godine izvršena je dezinfekcija, jedna od možda i najbitnijih mjera u borbi protiv COVID-19, „širih razmjera“ pri čemu su dezinfikovane sve javne ustanove, JU Dom zdravlja, Policijska stanica Maglaj, Sportska dvorana, sve lokacije na kojima se okuplja veći broj građana, Tržni centar i pijaca, Narodna apoteka, svi vjerski objekti, te podrumске prostorije svih stambenih zgrada. Dezinfekciju je obavio Institut za zdravlje i sigurnost hrane Zenica.

U periodu 13.05.-30.05.2020. godine, po odobrenju Vlade Zeničko-dobojskog kantona, koja snosi i troškove, izvršena je prva faza dezinfekcije istih razmjera, kao i naprijed navedena.

Danas, 22.06.2020. godine započela je druga faza izvođenja dezinfekcije na području naše općine i trajeće do 15.07.2020. godine. Dezinfekciju vrši Institut za zdravlje i sigurnost hrane Zenica, takođe po odobrenju Vlade Zeničko-dobojskog kantona.

U navedenom periodu (mart, april, maj i juni mjesec 2020. godine), prema situaciji i potrebi, u granicama mogućnosti, vršene su i kontrole pridržavanja, tj. provođenja protuepidemijskih mjera. Kontrole su bile uglavnom preventivne, sa upozorenjima gdje su bila neophodna, kao i obavještavanju o obavezama provođenja istih. Kontrola provođenja sanitarnih mjera u datoj situaciji je izvršena po pokretanju proizvodnje u privrednim subjektima, „HM-Promet“ d.o.o. Maglaj, „Bontex“ d.o.o. Maglaj, zatim u sva tri dječija vrtića registrovana u Maglaju i u drugim prostorima fizičkih lica – obrtnka, po dobivanju odobrenja za ponovni rad nakon zabrane donesenih od strane nadležnih štabova, tj. organa.

Također, ovaj organ je i javnim oglašavanjem (RTV Maglaj, www.maglaj.ba, oglasna ploča Općine Maglaj), putem obavijesti i upozorenja, upoznavao stanovništvo općine Maglaj o kompletnoj situaciji vezanoj za COVID-19, koje su iz nadležnosti sanitarne inspekcije, upozoravao, obavještavao i upućivao, kako i na koji način provoditi higijensko-sanitarne-protivepidemijske mjere, uz pridržavanje naredbi i preporuka Federalnog štaba/stožera civilne zaštite FBiH, od početka februara, tj. i prije pojave koronavirusa u FBiH.

Pored navedenog, ovaj organ je bio uključen i u rad Općinskog štaba civilne zaštite, i postupao, tj. doprinosio svojim radom iz oblasti nadležnosti sanitarne inspekcije.

Napominjemo, da sve što se moglo poduzeti - Općinski sanitarni inspektor, obzirom na obim posla i pritisak za što brže i efikasnije djelovanje u datoj situaciji, je poduzeto.

Dobrim dijelom sve mjere i aktivnosti, urađene u periodu trajanja pandemije izazvane koronavirusom, su i rezultat aktivno uvezanog rada JU Dom zdravlja Maglaj, Policijske stanice Maglaj i sanitarne inspekcije do granica potrebe i mogućnosti, uz angažovanje sva tri subjekta.

S ciljem sprečavanja širenja koronavirusa odnosno njegovog ublažavanja Općinski štab CZ odlučuje o upotrebi snaga i sredstava koje treba angažirati, naređuje mjere zaštite i spašavanja koje treba provoditi i određuje organe uprave i druge institucije i pravna lica koji su dužni izvršiti naređene mjere i zadatke. U skladu s tim, preventivne mjere su vršili Komunalno javno društvo

d.o.o. Maglaj, Policijska stanica Maglaj, JU Dom zdravlja Maglaj, Profesionalna vatrogasna jedinica Maglaj, Institut za zdravlje i sigurnost hrane Zenica, jedinica Oružanih snaga BIH za atomsko-biološko-hemijsku odbranu (ABHO) pri Ministarstvu odbrane.

Svoj doprinos u radu OŠCZ Maglaj dali su i Centar za socijalni rad kroz svoje planske aktivnosti prilagođene nastaloj situaciji, kao i Crveni krst i MDD Merhamet. O provedenim aktivnostima Općinsko vijeće je bilo upoznato kroz usvojenu „*Informaciju o aktivnostima u organizaciji, praćenju i distribuciji pomoći socijalno-ugroženim kategorijama stanovništva općine Maglaj*” primljenu k znanju na 3. vanrednoj sjednici Općinskog vijeća od 21.05.2020.godine.

III -b Aktivnosti JU Doma zdravlja Maglaj kroz aktivnosti OŠCZ općine Maglaj

Od proglašenja stanja nesreće u Federaciji BiH 16.03.2020.godine JU „Dom zdravlja“ Maglaj počela je odmah primjenu mjera za suzbijanje i sprečavanje širenja zaraze novim koronavirusom, pa je između ostalog odmah izvršena preraspodjela rada i radnog vremena u pojedinim službama. Uvedene su dvije smjene dežurstva u Službi hitne medicinske pomoći gdje je ujedno odmah nakon proglašenja stanja nesreće formiran trijažni punkt.

U potpunosti se primjenjuje i poštuje Kantonalni plan pripravnosti za oboljenja izazvana novim koronavirusom (COVID-19) broj:11-33-1335-6/20 od 25.02.2020.godine.

Uvedene su također dvije smjene u RTG službi.

Na trijažnom punktu obrađivani su svi pacijenti, gdje je vršena dezinfekcija pacijenata u dezinfekcionim tunelima, mjerena je tjelesna temperatura, te se popunjavao anketni upitnik za svakog pacijenta pojedinačno. Tek kada bi pojedini pacijent prošao trijažu, puštan je da se javi svom porodičnom ljekaru uz obavezno pridržavanje epidemioloških uputstava koja su i jasno bila istaknuta u prostorijama Doma zdravlja. Trijažni punkt su osiguravali pripadnici Policijske stanice Maglaj. Svi sumnjivi pacijenti su prosljeđivani u posebnu prostoriju gdje su pregledani od strane ljekara u zaštitnim odijelima i pod punom zaštitnom opremom. Svi pacijenti su obavezno morali imati zaštitne maske.

Formirao se interventni tim Doma zdravlja kojeg čine zaposlenici HES službe Doma zdravlja, jedan medicinski tehničar i specijalista epidemiolog. Od proglašenja stanja nesreće kao i pojave prvog slučaja zaraze COVID-19, vrši se epidemiološko istraživanje u skladu sa strukom i ostvaruje se saradnja sa Općinskim sanitarnim inspektorom koji izdaje rješenja o epidemiološkim mjerama prema licima kod kojih postoji sumnja ili su bili u kontaktu sa zaraženom osobom ili su doputovali iz inostranstva.

Ljekaru porodične medicine Doma zdravlja Maglaj 10.04.2020.godine javio se pacijent sa disajnim tegobama, otežano disanje, kratak dah, suhi kašalj sa povišenom temperaturom. Na osnovu kliničke slike i rtg snimka ambulantno uradi se bris na COVID-19. U toku noći stigao je pozitivan nalaz iz UKC Sarajevo. 11.04.2020.godine testiraju se prvi kontakti supruga i ćerka iz iste kuće, te druga ćerka i zet i troje unučadi. Svi su pozitivni na COVID-19, osim ćerke i zeta (ćerka i zet su uposlenici tekstilne firme HM-Promet). 12.04.2020.god. u porodičnu ambulantu Doma zdravlja Maglaj javi se radnica (HM-Prometa) koja je na bolovanju zbog povišene temperature, malaksalosti, suhog kašlja. Uzme se bris i iste večeri se potvrdi pozitivan nalaz na COVID-19. Testiraju se svi prvi kontakti iz porodice i svi su pozitivni na COVID-19. Oba pacijenta su iz naselja Misurići gdje su se aktivno tražili sumnjivi slučajevi i kontakti, kao i prvi kontakti radnika sa posla iz firme HM-Promet. Poslodavac je radnike već poslao na godišnji odmor. 16.04.2020. već je bilo 7 radnika pozitivnih i 4 radnika negativna na COVID-19. 17.04.2020. već je 14 članova porodica pozitivno na COVID-19 od pozitivnih radnika. Do 27.04. bilo je ukupno 48 pozitivnih na COVID-19 od čega 15 radnika iz firme HM Promet i 33 člana njihove porodice.

21.04.2020.godine u porodičnu ambulantu Doma zdravlja Maglaj javlja se pacijentica koja je na bolovanju zbog povišene temperature, malaksalosti, a radi u drugoj firmi Bontex d.o.o.

23.04.2020.godine nakon pogoršanja zdravstvenog stanja, kratkog daha, povišene tjelesne temperature 38,4 drugi put se javlja u porodičnu ambulantu Doma zdravlja Maglaj, uradi se rtg snimak i bris na COVID-19 koji pokaže pozitivan nalaz. 24.04.2020. godine u pogonu firme Bontex koja je radial, testiraju se prvi kontakti gdje se pokaže 9 pozitivnih. Aktivno se testiraju prvi kontakti radnika i članova njihovih porodica. Većina njih živi u naselju Liješnica. Do 18.05.2020.godine bilo je 89 pozitivnih na COVID-19 od čega 56 radnika Bontex i 39 člana njihove porodice.

25.04.2020. testira se suprug radnice koja je radila u Bontexu, a suprug je radnik firme Natron-Hayat gdje radi u manjem pogonu u kome radi 23 radnika. Svi se testiraju i otkrije se još 5 pozitivnih. Ukupno u Natron-Hayatu je bilo 6 pozitivnih na COVID-19.

Na području općine Maglaj ukupno je oboljelo 143 osobe, od toga je njih 140 bilo hospitalizirano u KB Zenica – depadans. 3 pacijenta su na osnovu rješenja Općinskog sanitarnog inspektora zbog razumnih razloga ostala u kućnoj izolaciji pod zdravstvenim nadzorom sa zabranom kretanja.

U prilogu se dostavlja tabelarni prikaz ukupnog broja uzetih uzoraka po datumu uzimanja/testiranja, kao i ukupan broj pozitivnih slučajeva na COVID-19 po datumima do 01.06.2020.godine.

III-c Aktivnosti KJD Maglaj kroz aktivnosti OŠCZ općine Maglaj

Komunalno javno društvo Maglaj je na početku proglašenja stanje „pandemije“ u FBiH bez odlaganja pristupilo provođenju neophodnih preventivnih mjera zaštite, kako bi se spriječila pojava virusa COVID-19, te smanjilo širenje zaraze.

Preventivne mjere u cilju zaštite stanovništva poduzimale su se u koordinaciji sa Službom civilne zaštite, Profesionalnom vatrogasnom jedinicom Maglaj i Općinskim štabom civilne zaštite.

Zahvaljujući pomenutoj koordinaciji, društvo je u kontinuitetu poduzimalo sljedeće aktivnosti:

- mehaničko pranje i dezinfekcija hlorisanom vodom kombinovanom autocisternom;
- ručka dezinfekcija dezinfekcionim sredstvom na bazi hlora „Belosan“;

Akcentat je stavljen na čišćenje i dezinfekciju najfrekventnijih lokacija, kao što su između ostalog prostor oko JU Dom zdravlja, JU Narodna apoteka, JU OŠ „Maglaj“, JU „Prva osnovna škola Maglaj“, JU Dječiji vrtić Maglaj, JU Centar za socijalni rad Maglaj, JU Opća biblioteka Maglaj, te prostor oko zgrade Općine Maglaj, Policijske stanice Maglaj i sl.

U koordinaciji sa PVJ CZ izvršena je dezinfekcija glavnih ulica u svim MZ na području općine Maglaj, te dezinfekcija svih ulaza u stambene zgrade urbanog dijela općine.

Dezinfikovane su sve javne površine u općoj upotrebi u urbanom dijelu Maglaja, kao i centralnom dijelu Novog Šehera (ulice, javni prolazi, mostovi, javna parkirališta, parkovi, pijaca, dječija igrališta, zelene površine i sl.), a također i objekti i oprema u općoj upotrebi (klupe, kante za odlaganje otpada, spomenici, fontane). Kontejneri su očišćeni i oprani, zatim dezinfikovani.

Objekti Komunalnog javnog društva su redovno sanitarno održavani i dezinfikovani, kao i uži prostor oko objekata. Društvo je naprijed navedene aktivnosti vršilo uz obavljanje redovnih djelatnosti, od kojih se usluga prikupljanja i odvoza komunalnog otpada pružala u većem obimu od planiranog.

S obzirom da je trebalo zadržati kontinuitet pružanja usluga odvoza otpada, isporuke vode i prečišćavanja otpadnih voda, a da su u cilju smanjenja kontakata zaposlenici koristili godišnje odmore, kao i s obzirom da društvo posjeduje samo autocisternu koja služi za potrebe održavanja gradske kanalizacione mreže (koja ne trpi duži rad), nije bilo moguće vršiti dezinfekciju javnih saobraćajnica na području cijele općine Maglaj.

Uz reorganizaciju rada i radnog vremena, Komunalno javno društvo Maglaj je obezbjedilo nesmetano i blagovremeno pružanje usluga u javnom interesu.

III-d Aktivnosti Policijske stanice Maglaj kroz aktivnosti OŠCZ općine Maglaj

Nakon prve redovne sjednice KZ CZ općine Maglaj, Policijska stanica pored redovno obavljanja redovnih poslova i zadataka policijskih službenika, u skladu sa svojim zakonskim ovlaštenjima pristupila je primjeni svih mjera koje je donijela Svjetska zdravstvena organizacija, a kasnije i realizaciji naredbi izdatih od strane nadležnih kriznih štabova na nivou Federacije BiH.

Aktivnosti koje je Policijska stanica Maglaj provodila u vrijeme trajanja nesreće prouzrokovane pojavom COVID-19 odnosili su se:

- po izdatim Rješenjima od strane Komunalno-sanitarno-vodoprivrednog inspektora Općine Maglaj, Federalne uprave za inspekcijske poslove, kao i Republičke uprave za inspekcijske poslove RS, vršen je obilazak lica kojima je određena zabrana kretanja van objekta (prostora u kojem borave) ;
- vršen je obilazak lica stavljenih pod zdravstveni nadzor od strane Higijensko-epidemiološke službe Doma zdravlja Maglaj, gdje je u vrijeme trajanja nesreće ukupno obilaženo 1743 lica, svaki dan trajanja njihove izolacije gdje je obavljeno ukupno 14.175 obilazaka;
- vršeno je 24 satno obezbjeđenje objekta JU Doma zdravlja Maglaj;
- vršeno je 24 satno obezbjeđenje objekata Motel „Bistrica“ u mjestu Poljice i Apartmani „Sjaj“ u ulici Sulejmana Omerovića Cara koji su bili određeni kao „karanten“ i u kojima se nalazilo 35 lica kojima je Rješenjem Federalne uprave za inspekcijske poslove određen obavezan karantin, kao i sprovođenje tih lica od mjesta preuzimanja policije RS-a do samog objekta u kojem su bili smješteni.

Obzirom na izdate naredbe od strane kriznih štabova na prostoru Federacije BiH, Policijska stanica Maglaj je obavljala i aktivnosti na praćenju poštivanja istih, a najvećim dijelom su se aktivnosti odnosile na suzbijanju kršenje mjera samoizolacije, zabranu kretanja lica mlađih od 18 godina i starijih od 65 godina, kretanje za vrijeme policijskog sata, obavezno nošenje zaštitnih maski i držanje distance poduzimali zakonom predviđene mjere. Tom prilikom za lica koja nisu poštovala izdate naredbe su izdavani prekršajni nalozi i pisani izvještaji o počinjenom prekršaju. Shodno tome sankcionisano je:

- 18 lica zbog kretanja za vrijeme trajanja policijskog sata;
- 18 lica mlađih od 18 godina i starijih od 65 godina;
- 27 lica zbog kršenja mjere samoizolacije;
- 144 lica zbog nepoštivanja naredbe nošenja zaštitne opreme (maska i distanca);
- protiv jednog lica zbog nepoštivanja mjere samoizolacije više puta podnesen je izvještaj Kantonalnom tužilaštvu ZDK;

Također, u navedenom periodu prosljeđene su 122 službene zabilješke Komunalno-sanitarno-vodoprivrednom inspektoru općine Maglaj, kao i 37 službenih zabilješki Federalnoj upravi za inspekcijske poslove, a koje su se odnosile na kretanje lica i poštivanje mjera samoizolacije.

IV – AKTIVNOSTI OPĆINSKOG ŠTABA CZ MAGLAJ u periodu od proglašenja prestanka stanja nesreće

Vlada Federacije BiH je na svojoj telefonski održanoj sjednici, donijela Odluku broj 701/2020 od 29.05.2020.godine, o proglašenju prestanka stanja nesreće uzrokovane pojavom COVID-19 na području Federacije BH sa danom 31.05.2020.godine.

Odlukom su Federalni štab civilne zaštite i Krizni štab Federalnog ministarstva zdravstva zaduženi da i dalje prate i procjenjuju stanje epidemiološke situacije na području Federacije i na toj osnovi utvrđuju mjere i aktivnosti na sprečavanju širenja koronavirusa.

Pomenutom Odlukom tačkom 4. data je obaveza između ostalog i rukovodiocima općinskih/gradskih službi za upravu da, u okviru svoje redovne djelatnosti, obavljaju i dodatne poslove koji se odnose na otklanjanje posljedica nastalih djelovanjem pojave COVID-19. Shodno donesenoj Odluci Vlade Federacije BiH o prestanku stanja nesreće, KŠ MZFBiH donio je dvije Naredbe: broj 01-33-3223/20 od 29.05.2020.godine i broj 01-33-3510/020 od 12.06.2020.godine, u kojima su naložene mjere institucijama na nivou Federacije

BiH, pa tako i općina, koje je neophodno po svojim nadležnostima primjenjivati i pratiti i na vrijeme informisati KŠ MZFBiH o eventualnim promjenama stanja praćenih pojavom COVID-19.

Iako je ukinuto stanje elementarne nesreće, OŠCZ i dalje prati stanje u vezi pojave i širenja COVID-19 na području BiH, pa tako i općine Maglaj, te putem sredstava informisanja nastoji obavještavati građane o trenutnom stanju u vezi suzbijanja COVID-19.

V- PLANOVI I PRIJEDLOZI MJERA

Obzirom da se broj zaraženih na području BiH i dalje pojavljuje, samim tim i OŠCZ ima obavezu praćenja stanja i poduzimanja mjera za suzbijanje daljeg širenja zaraze od COVID-19.

Uzimajući u obzir da je Općina Maglaj izradila svoju Procjenu ugroženosti ljudi i materijalnih dobara od prirodnih i drugih nepogoda, već su pokrenute aktivnosti na izradi Planova zaštite ljudi i materijalnih dobara od prirodnih i drugih nepogoda na općini Maglaj. Samim tim će se stvoriti bolja mogućnost djelovanja OŠCZ i svih pravnih subjekata na suzbijanju pojave prirodnih i drugih nepogoda, kao i spremnost za djelovanje u slučaju potrebe zaštite.

Uzimajući u obzir da je općina Maglaj, a samim tim i OŠCZ Maglaj zadnjih godina sve češće pogođen prirodnim i drugim nepogodama, a poučeni iskustvima od ranije, posebno sadašnjim iskustvima sa pojavom COVID-19, vidljivo je da je neophodno izvršiti usavršavanje i obuku kako članova OŠCZ, tako i svih javnih ustanova i institucija, pa i privrednih subjekata na poštivanju i primjeni Planova i mjera zaštite.

NAPOMENA:

- Sve Naredbe, Saopštenja, Informacije, Upozorenja, servisne informacije i druga akta koja su izdavana od strane Općine Maglaj i OŠCZ Maglaj u vezi COVID-19 se nalaze na web stranici Općine Maglaj www.maglaj.ba;
- Sve Naredbe i druga akta FŠCZ u vezi COVID-19 nalaze se na stranici <http://www.fucz.gov.ba/koronavirus-naredbe/>
- Sve Naredbe i druga akta KŠMZFBiH nalaze se na web stranici <https://covid19.fmoh.gov.ba/>;
- Sve Naredbe i druga akta KŠ MZZDK nalaze se na web stranici [https://www.zdk.ba/vijesti/itemlist/category/271-info-covid-19](https://www.zdk.ba/vijesti/itemlist/category/271-info-covid-19;);

PRILOZI:

- Prilog broj 1. tabelarni prikaz ukupnog broja uzetih uzoraka po datumu uzimanja/testiranja, kao i ukupan broj pozitivnih slučajeva na COVID-19 po datumima do 01.06.2020.gorine.




KOMANDANT OPĆINSKOG ŠTABA CZ
Mirsad Mahmutagić

Tabelarni prikaz ukupnog broja testiranih i zaraženih

Datum	Broj testiranih	Broj zaraženih	Datum	Broj testiranih	Broj zaraženih
29.03.	1	0	10.05.	0	0
09.04.	1	0	11.05.	14	0
10.04.	1	1	12.05.	0	0
11.04.	9	6	13.05.	2	0
12.04.	6	6	14.05.	3	1
13.04.	3	0	15.05.	0	0
14.04.	4	0	16.05.	0	0
15.04.	6	1	17.05.	0	0
16.04.	11	7	18.05.	7	1
17.04.	17	14	19.05.	15	1
18.04.	31	3	20.05.	8	0
19.04.	5	1	21.05.	5	0
20.04.	8	1	22.05.	5	0
21.04.	10	0	23.05.	0	0
22.04.	10	1	24.05.	0	0
23.04.	19	1	25.05.	0	0
24.04.	18	11	26.05.	7	0
25.04.	19	12	27.05.	4	0
26.04.	22	10	28.05.	0	0
27.04.	20	8	29.05.	0	0
28.04.	24	11	30.05.	0	0
29.04.	49	8	31.05.	0	0
30.04.	67	0			
01.05.	20	7			
02.05.	26	8			
03.05.	0	0			
04.05.	11	1			
05.05.	12	0			
06.05.	19	6			
07.05.	51	14			
08.05.	52	4			
09.05.	31	1			

Grafički prikaz ukupnog broja testiranih i zaraženih osoba



Ukupan broj testiranih u periodu od 16.03. do 31.05.2020. godine iznosi 653

Ukupan broj zaraženih u periodu od 16.03. do 31.05.2020. godine iznosi 146

Od ukupnog broja testiranih procenat zaraženih iznosi 22,3 %

Napomena: U tabelarnom prikazu je predstavljen samo ukupan broj testiranih i zaraženih lica od 16.03. do 31.05.2020.godine (neka lica su i više puta testirana tj.retestirana, pa je broj uzetih uzoraka a samim time i broj zaraženih neznatno veći)